

## Transkription von Urkunde HGW 1381a

Ort, Datierung: Greifswald, 1381-10-28

Signatur: Stadtarchiv Hansestadt Greifswald, Rep. 2 Nr. 156 [\[online\]](#)

Inhalt: Gebrüder Beere: Lehns- und Verkaufsbestätigung

Bemerkung: anderes Datum: 27.10.1381

---

Wý henneke beere to der lobenitze vn(de) marquard beere thome nyenhoue knape(n) / bekennen  
openbare an desme yeghenwardighen breue vor alden Jenen de ene / zeen edder horen leezen dat wý  
belenen vn(de) vulborden vn(de) stede vn(de) vast holde(n) / willen den kop dar ane her vicke beere  
ridder vor koft heft den borgher/mest(er)en Ratmannen vn(de) der menheyt der staad tho  
g(ri)peswolde de twe del der / holte müre wische watere Righte vn(de) aller and(er)en tho behoeringhe  
vn(de) dat drud/dendeel alder rente alzo dat henneke dotenberghe tho horet heft in dessen dor/pen  
meseke(n)hagen brezegher duuelsbruk kalkeuitze gristow Rýmis vn(de) kalen/bergh . ok hebbe wý dat  
vorb(enomede) gûd vor deme Rade thome g(ri)peswolde en tho der / hant vorlaten mid ghûden willen  
vn(de) were des en anders wor behûf dar se / vs tho escheden dar wil wý vn(de) scoln en dat  
vorben(omede) . gûd vorlaten vn(de) laten / dar af on dessem breue vn(de) beholden vs vn(de) vsen  
eruen dar altes nicht ane / vn(de) wý vn(de) vse eruen scoln dor des vorben(omeden) . ghôdes willen  
vppe den Raat vn(de) / vppe de staad tho gripeswolde edder vppe anders yemande van erer wegghen /  
nûmmer an zer saken To thuge desser dinch so sint vse jnghezeghele hen/ghet vor dessen breef de  
gheuen is na ghodes boord drutteynhunderd Jar / in deme een vn(de) achtentighesten Jare an deme  
auende sunte symons vn(de) Jude / der hilge(n) apostole Thome g(ri)pesw(olde) . Thughe desser  
vorscreuenen sake sint hinrik lussow de / wonet tho gultzow clawes he(n)ni(n)gh vn(de) gherlegh  
brod(er)e heten lussow de wonen(n) tho candelyn / B(er)told smalenzee de wonet tho der swinghe(n) .  
hinr(ik) brike(n)hagh de wonet tho deme v(re)nke(n)/haghen vn(de) meer bedderuer lude de ere  
werdigh syn